

吳伯雄
編

陳壽祺全集

⑧



廣陵書社

陳壽祺全集



廣陵書社

第八冊

東越儒林後傳一卷清陳壽祺輯

.....

一

東越文苑後傳一卷清陳壽祺輯

.....

一五五

東觀存藁一卷清陳壽祺輯

.....

二二七

東越儒林後傳

三山陳氏藝文錄

東越儒林後傳卷一上史館稿

福州陳壽祺恭甫

鄭開極傳

鄭開極字肇脩侯官人順治十八年進士選庶吉士授翰林編脩康熙八年主雲南鄉試三十年以諭德督學浙江教諸生先行誼而後文章嘗編定黃道周九經解錄行為人平易義有不可毅然形於詞色人敬憚之假歸鍵戶四十年當事罕覩其面建宗祠置祭田以厚宗族五十二年赴闕祝嘏賜予加等五十八年年八十重宴鹿鳴鄉閭誇為盛事卒祀浙

東趙儒林後傳

卷一

江西湖名宦祠

陳遷鶴傳

陳遷鶴字聲士一字介石先世泉州安溪人徙郡城父洪圖明天啓七年舉人三為學官祀詔安名宦祠遷鶴舉康熙十九年鄉試二十四年成進士選庶吉士年已及艾矣二十七年授翰林編修遷崔遠於易自王韓注孔疏旁及胡蘇諸說折衷于程朱以卦意推爻辭別其時位與才紛互錯糅歸于一是光地常與接席辯論晨夕不倦遷崔辨無極太極之說甚正其言曰周子曰無極而太極邵子曰道為太極心為無極異端者流竊此為空虚之說至理晦焉愚謂天

地之道動靜而已舍動靜无所為天地者人心之妙亦動靜而已舍動靜无所為人心者必曰有物立乎動靜之先思之不得其解遂以冥漠無為者當之是為佛老張其幟也夫天地之道純粹精也所謂太極以其純粹者而動萬物生焉得名之曰陽以其純粹者而靜萬物成焉得名之曰陰太極即在陰陽中也人心具仁義禮智之全德太極也靜而斂精固神陰也動而舉事宜謀陽也太極即在動靜中也是故陰陽者生成之器也太極者生成之理也氣存理周先後無次然天地將生萬物始有溫氣將成萬物乃有

肅氣理先氣後無次而微有次者也。生者出也。因時
呈見之謂。既不得謂陰陽本無因太極始有又不得
謂有生於無太極乃無也。遷崔疑胡安國春秋傳深
文臆斷未必盡出聖人之意。因讀韓愈詩春秋書王
法不誅其人身及言春秋據事跡實錄而善惡自見
怡然有得。乃上考三傳下逮啖趙陸張窮討端緒而
條辨之。其言曰。記曰春秋之失亂非聖經錯亂難讀
釋經者亂之也。多立義例前後矛盾甚且自立意見
鑿空議論屈聖人之意以就已。又至深文春秋為鑄
鼎之刑書是經之不明傳害之也。傳能害經而紛紛

然日求之諸說戈戟橫生與經為牴是重其害也程
子云因傳以考經之事跡因經以辨傳之真偽愚謂
學者且潛心聖經如隱公不正即位之禮即知桓必
行篡弑之逆公薨不地公即位隱公不葬即知桓之
為弑逆莊元年王使榮封來錫桓公命不書天即知
春秋正桓之罪此不待傳而明者也齊侯送姜氏於
謹公會齊侯于謹夫人姜氏至自齊即知桓公必有
夫人之難公薨于齊夫人孫于齊即知夫人與聞乎
弑築王姬之館于外公及齊侯狩于禚即知莊公之
忘父仇夫人如齊師會享齊侯即知莊公不能制其

母夫人不與公偕至即知其後必有司晨之禍亦在
待傳而知者也閔僖不書即位夫人姜氏孫于邾公
子慶父如齊即知慶父弑二君而夫人與聞亦不待
傳而明者也鄭抗王師衛拒王命荆伐鄭入蔡以蔡
侯獻舞歸舉中土之大而侮于荆蠻則知天下不可
無霸主故北杏之會崇獎齊侯無論衣裳會九召陵
伐楚為聖人所褒即城楚邱伐山戎亦聖人所予傳
或譏其專或譏其勤兵于遠者過也齊侯沒而楚勢
張執宋師於泓伐宋圍緡公子遂如楚乞師舉諸姬
南向從楚則知天下又不可無霸主故侵曹伐衛即

書晉侯踐土之盟功繼九合城濮之勝威逾召陵傳
以為詐敗而譏之者過也晉文歿而秦虐興其滅滑
也凌諸姬之漸也殽之戰彭衙之師紹霸功而嗣文
之烈經有褒辭何以知之以秦伐晉書人晉伐秦書
爵知之而傳貶之不少恕者過也晉襄歿而靈公不
君景厲微弱楚燄大熾莊王挾其雄心猛氣主盟辰
陵敗晉兵于邲圍宋圍鄭迫王郊而問鼎春秋大惡
悉書于冊以著其惡傳乃以殺陳夏徵舒而進之不
知春秋書楚人抑之也何也僭王之人不得揅討賊
之柄予之者過也晉君州蒲弑而楚日爭鄭中土受

其蹂躪天下又思有霸悼公起三駕伐鄭而楚不能
爭桓文之勲再振會于蕭魚志其盛也然衛侯出奔
不能定即知霸業漸衰繼以平公懦不在諸侯大夫
多求其匡其君即知其不能攘楚將與楚為和有宋
之會即知其有虢之會有虢之會即知其有申之會
有申之會即知其必滅陳即知其必滅蔡晉人無辭
于諸侯即知其必有厥慙之盟必有召陵之侵然盟
厥慙欲救蔡而不能會召陵以求貨不得而歸晉霸
遂衰不競于楚然囊瓦貪而不仁則知必有起而害
楚者而吳師陳于柏舉柏舉敗楚入郢則知必加兵

于山東之大國而有艾陵之師既有艾陵之師則知必與晉爭霸而有黃池之會數勝其較不戢自焚則知必有於越乘其後而春秋以獲麟終焉孔子綜二百四十二年之事而紀其終始大義數十炳如日星中間或抑或揚或進或退與蹟難知揭其大要莫過于正名分明王法而已是荆楚雖有小善紀其事而非進之也以其僭王之罪大也君雖無道非人臣所得弑也以天澤之分不可踰也紛紛戰伐總以王法為斷能尊周而攘楚斥秦敗狄者皆予之也以恩怨別曲直者私情而非王法也孟子曰春秋天子之事

蓋挈大權以歸天子而非孔子自為王視孔子太高
儼然奉天命行大討袞冕南面而黜陟辟公恐孔子
不敢居也曾子曰夫子之道忠恕而已矣春秋立法
甚嚴而待人甚寬刑人殺人剗人則人動輒得罪至
于無所容恐聖人意不如是刻也春秋之始惡有盟
誓其終也患無盟誓惡有盟誓者忠信薄而人心疑
紛紛然日尋詛祝瓦屋石門所以謹之也患無盟誓
者約會寡而人心散天下將歸于交質子於鹹剗陵
所以歎之也且春秋之始傷天下無王其終也傷天
下無霸傷無王者為天子威福下移列侯敢抗衡王

室陳人蔡人衛人從王伐鄭王人子突救衛聖人之
所痛也傷無霸者方伯微弱不能翼戴天子勢至列
國自相强大天王將降號稱君會於黃池會于橐臯
會于鄆聖人所不忍言也然而所謂五霸者乃大彭
昆吾豕韋齊桓晉文而非宋襄秦穆楚莊也宋襄不
成乎霸秦穆以伐天子之方伯而霸之楚莊以勝天
子之方伯而霸之則是推跋扈為雄長而非春秋書
王法之旨矣又曰讀春秋至中途輒廢然而返未有
能終卷者以傳例參差故也傳例貶則書人褒則書
爵隱桓之初尚有可憑其後不應書人者亦書人不